

Headline	Hospital Nukleus Labuan dapat seorang doktor pakar tulang: Dr Zaini		
MediaTitle	New Sabah Times Bahasa (KK)		
Date	04 Dec 2011	Color	Black/white
Section	Semasa	Circulation	23,655
Page No	6	Readership	
Language	Malay	ArticleSize	143 cm <sup>2</sup>
Journalist	N/A	AdValue	RM 277
Frequency	Daily	PR Value	RM 831



## Hospital Nukleus Labuan dapat seorang doktor pakar tulang: Dr Zaini

LABUAN: Hospital Nukleus Labuan kini mempunyai lima orang doktor pakar, termasuk seorang daripadanya doktor pakar tulang (ortopedik) yang baru ditugaskan di hospital itu bermula awal minggu ini.

Pengarah Jabatan Kesihatan Negeri, Wilayah Persekutuan Labuan, Dr Zaini Hussin berkata, empat doktor pakar yang sedia ada ialah doktor pakar bedah, pakar bius, pakar perubatan dan pakar perbidanan dan sakit puan.

“Dengan adanya doktor pakar baru itu, Hospital Nukleus Labuan telah mempunyai semua doktor pakar yang diwajibkan perlu ada di setiap hospital negeri,” katanya ketika diminta mengulas oleh media mengenai dakwaan Hospital Nukleus Labuan kekurangan doktor pakar.

Beliau ditemui pada Majlis pelancaran Kembara Berbasikal Wilayah Persekutuan Labuan sempena Sambutan Hari Jantung dan HIV/Aid Sedunia peringkat Wilayah Persekutuan Labuan yang diadakan di Labuan Walk, dekat sini, pagi kelmarin.

Hadir sama, Pegawai Perubatan Hospital Labuan, Dr. Adam Firdaus Dahlan, wakil dari Lembaga Promosi Kesihatan Malaysia, Nurul Nadia Hamdam dan Pengerusi Ahli Panel Penasihat Kesihatan, Mustapha Tangkim.

Menurut Zaini, selain itu, hospital Nukleus dan Jabatan Kesihatan Negeri juga mempunyai seramai 18 orang doktor yang terlatih.

“Jabatan Kesihatan juga sedang memohon supaya seorang lagi doktor pakar bagi kanak-kanak dapat ditempatkan di hospital ini yang ketika ini masih belum di isi.... bagaimanapun ia bergantung kepada Kementerian untuk meluluskannya,” katanya.

Dalam satu soalan lain, Dr Zaini tidak menafikan pihaknya

terpaksa menghantar pesakit yang dikategorikan sebagai ‘kritikal’ ke hospital Queen Elizabeth (HQE) di Kota Kinabalu untuk mendapatkan rawatan lanjut disebabkan Hospital Nukleus masih kekurangan peralatan yang lebih canggih.

Sementara itu, ketika berucap di majlis itu, Dr. Zaini berkata, program Kembara Berbasikal yang dianjurkan oleh Jabatan Kesihatan dan Lembaga Promosi Kesihatan Malaysia sempena sambutan Hari Jantung dan Hari Aid sedunia adalah bertujuan untuk meningkatkan kesedaran kepada orang ramai mengenai penyakit HIV dan Aids termasuk jantung.

Katanya, sejak 1986 (kes pertama HIV di kesan di Malaysia) hingga ke hari ini seramai 93,837 direkodkan sebagai pembawa wabak itu dan 17,232 orang atau 18.4 peratus daripadanya di kesan sebagai

pengidap.

Zaini berkata, Labuan telah merekodkan sebanyak lima kes dan dua daripadanya di kesan pada tahun 2010, manakala tiga lagi merupakan pembawa HIV masa lampau (sejak 1986).

Bagaimanapun katanya, penyakit HIV dan Aids di Labuan masih ditahap rendah dan terkawal berbanding dengan penyakit Batuk Kering (TB) dimana Labuan telah merekodkan kes tertinggi berbanding dengan negeri-negeri lain di Malaysia.

Sempena majlis itu, seramai 100 peserta yang membabitkan kakitangan jabatan kerajaan, swasta serta ahli-ahli persatuan dan NGO's telah berbasikal sejauh 38.9 km sebagai simbolik kearah gaya hidup yang lebih sihat yang dilancarkan acara perlepasannya oleh Dr Adam Firdaus bersama Nurul Nadia Hamdan di Labuan Walk. -  
**Oleh JAINUDIN DJIMIN - jainudin@newsabah-times.com.my**

Headline	Hospital Nukleus Labuan dapat seorang doktor pakar tulang: Dr Zaini		
MediaTitle	New Sabah Times Bahasa (KK)		
Date	04 Dec 2011	Color	Black/white
Section	Semasa	Circulation	23,655
Page No	6	Readership	
Language	Malay	ArticleSize	143 cm <sup>2</sup>
Journalist	N/A	AdValue	RM 277
Frequency	Daily	PR Value	RM 831



**DILANCARKAN ....** Dr Zaini (dua kiri) bersama Nurul (kanan) dan Mustapha ketika melancarkan dan merasmikan sambutan Hari Jantung, HIV dan Aids di Labuan Walk, pagi kelmarin.